

明

史

明史卷六十七

志四十一

樂三

郊廟樂舞器服

樂章

祀	國丘	方丘	朝日	夕月	大饗	帝
祀	社稷	太社	稷異壇	同壇	社稷	同壇
祀	太歲	月將	宗廟	孟春	祀周天	星辰
祀	時祿	大祿	大禘	孟春	祀歷代	帝王
祀	先師	孔子	祀先農			

郊廟樂舞器服

洪武元年定樂工六十二人編鐘十六編磬十

十瑟四搏拊四祝歌各一壎四篪四簫八笙

應鼓一歌工十二協律郎一人執卷

樂人

卷六十一附錄

武

人各執

人各執

二人引舞

各執引

舞師二人

一百三十人郊丘廟社等祀咸同惟文

初用樂生六十人編鐘十六編磬十六琴十瑟

拊四祝歌各一壎四篪四簫八笙八笛四大鼓一

工十弘治中增編七十二人嘉靖中益爲八十一人

舞則洪武初共舞生四十八人引舞二人成化中增

爲六十四人引舞二人嘉靖初復用四十八人引舞

二人其樂工服色洪武元年定協律郎幞頭紫羅袍

荔枝帶皂靴樂生展脚幞頭緋袍革帶皂靴五年定

齊郎黑介幘以漆布爲之無花樣服紅絹容袖衫紅
生絹裏皂皮四縫靴黑角帶樂生亦黑介幘上加描
金蟬服飾紅絹大袖袍冑背畫纏枝方葵花紅生絹
裏加錦臂鞵一皂皮四縫靴黑角帶舞工服色洪武
元年定舞師幘頭紫羅袍荔枝帶皂靴文舞生展脚
幘頭紫袍革帶皂靴武舞生緋袍餘同五年定文
生黑介幘以漆布爲之上加描金蟬服飾紅絹
袍冑背畫纏枝方葵花紅生絹裏加錦臂鞵二
四縫靴黑

蟬

生武弁亦漆

洪武元年

樂章

迎神 中和之曲

昊天蒼兮穹窿廣覆燾兮龐洪建國丘兮於國
合衆神兮來臨之同念螻蟻兮微衷莫自期兮感
思神來兮金玉其容馭龍鸞兮乘雲駕風顧南郊兮
昭格望至尊兮崇崇

奠玉帛 肅和之曲

聖靈皇皇敬瞻威光玉帛以登承筐是將穆穆崇嚴
神妙難量謹茲禮祭功績是惶

進

凝和之曲

祀儀祇陳物不于大敢用純饋告于覆載惟茲菲薦
恐未周完神其容之以享其觀

初獻

壽和之曲

耻耻微躬何敢請于九重以煩帝聰帝心矜憐有感
而通既俯臨于几筵神繽紛而景從臣雖愚蒙鼓
歡容乃子孫之親祖宗酌清酒今在鍾仰至德

功

亞獻

和

曲

荷

通

我

獻御前恭燕以安

終獻

和曲

小子于茲惟父天之恩惟恃天之慈內外慤
將之奠有芳齊設有明粢喜極而忭奉神燕娣
止于三獻情悠長兮遠而

徹饌 雍和之曲

烹飪以陳薦獻斯就神之在位既歆既右羣臣駿
徹茲俎豆物倘未充尚幸神宥

送神 安和之曲

神之去兮難延想遐袂翩翩萬靈從兮後先衛神

駕兮回轅，稽首兮瞻天。雲之謁兮眇然。

望燎 時和之曲

焚燎于壇，燦爛晶熒。幣帛牲黍，冀徹天京。奉神于陽，昭祀有成。肅然望之，玉宇光明。

洪武八年御製園丘樂章

迎神

仰惟兮昊穹，臣率百職兮迓迎。幸來臨兮壇中，護衛兮景從。旌旗繚繞兮四維，重悅聖心兮民。

豐

民

上感帝德兮

納兮微衷

進俎

庖人兮列鼎肴羞兮以成芳俎兮再獻願享兮

初獻

聖靈兮皇皇穆嚴兮金床臣令樂舞兮景張酒行初

獻兮捧觴

亞獻

載斟兮載將百辟陪祀兮具張感聖情兮無已拜手

稽首兮願享

終獻

三獻兮樂舞揚肴羞具納兮氣霽而芳祥光朗朗兮
上方況日吉兮辰良

徹饌

粗陳菲薦兮神喜將感聖心兮何以忘民福留兮佳
氣昂臣拜手兮謝恩光

送神

旌旛泮泮兮雲衢長龍車鳳輦兮駕飛揚遙瞻冉冉
兮去上方可卜承流兮永康

進頌

感至恩兮無量

洪武元年方丘樂章

迎神 中和之曲

坤德博厚物資以生承天時行光大且寧穆穆皇祇
功化順成來御方丘嚴恭奉迎

奠玉帛 肅和之曲

地有四維大琮以方土有正色制幣以黃敬存于中
是薦是將奠之几筵臨鑒洋洋

進俎 凝和之曲

奉時純牡其牡童犢烹鼎既嚴登俎維肅升壇昭薦
神光下燭眷佑邦家報效惟篤

初獻 壽和之曲

午爲盛陽陰德初萌天地相通品物光榮吉日令辰
明祀攸行進以醇醴展其潔清

亞獻 豫和之曲

至廣無邊道全持載山嶽所憑海濱咸賴民資水土
既安且泰酌酒揭虔功德惟大

終獻 熙和之曲

庸歌之曲此疆宇匪臣攸能承佑助恩承父母

臣等歌舞八音宣揚疊侑明酌

徹饌 雍和之曲

牲牲在俎籩豆有實臨之盼饗匪惟飲食登歌乃徹
薦獻爰畢執事奉承一其嚴慄

送神 安和之曲

神化無方妙用難量其功顯融其祀攸長飈輪云旋
龍控鸞翔拜送稽首瞻禮餘光

望瘞 時和之曲

牲體制幣餼饌惟馨瘞之于坎以達坤靈奉神于陰
典禮是程企而望之厚壤寬平

洪武八年御製方丘樂章

迎神

仰皇祇兮駕來川嶽從迎兮威靈備開香烟繚繞兮
神臨御街漸升壇兮穆穆霽瑞氣兮應結樓臺以微
衷兮率職幸望聖悅兮心諧但允臣兮同請願嘉蒸
民兮永懷

奠玉帛

臣奉兮以筐玉帛是進兮歲奠以常百辟陪祀兮珮
聲琅琅惟南薰兮解愠朕燎炎兮煌煌

進俎

庖人兮淨蕩大烹牲兮氣霽而樂以饗衆兮獻上曰
享兮曰康

初獻

初獻行兮捧觴聖靈穆穆兮洋洋爲蒸民兮永昌鑒
豐年兮耿光

亞獻

雜肴羞兮已張法前王兮典章臣固展兮情悃用斟
醴兮載觴

終獻

爵三獻兮禮將終臣心眷戀兮無窮恐肴羞兮未具

將何報兮神功

徹饌

俎豆徹兮神熙
鸞輿駕兮旋歸
百神翼翼兮雲衣
敬奉行兮弗敢違

送神

祥風興兮悠悠
雲衢開兮民福
留歲樂蒸民兮
大有想洋洋兮
舉觴載酒

望瘞

肴羞玉帛兮瘞坎中
遙瞻隱隱兮龍旗從祀
事成兮盡徵
義威厚德兮民福雍雍

洪武十二年合祀圓丘方丘樂章

迎神 中和之曲

荷蒙天地兮君主華彝欽承踴躍兮備筵而祭誠惶
無已兮寸衷微仰瞻俯首兮惟願來期想龍翔鳳舞
兮慶雲飛必昭昭穆穆兮降壇墠

奠玉帛 肅和之曲

天垂風露兮雨澤沾黃壤氤氲兮氣化全民勤畎畝
兮東帛鮮臣當設宴兮奉來前

進俎以後咸同八年圓丘詞

嘉靖九年復定分祀圓丘樂章

迎神 中和之曲

仰惟元造兮於皇昊穹時當肇陽兮大禮欽崇臣惟
蒲柳兮螻蟻之秉伏承眷命兮職統羣工深懷愚昧
兮恐負洪德爰遵彝典兮勉竭微忠遙瞻天闕兮寶
輦臨壇臣當稽首兮祇迓恩隆百辟陪列兮舞拜于
前萬神翊衛兮而西以東臣俯伏迎兮敬瞻帝御願
垂歆鑒兮拜德昌窮

奠玉帛 肅和之曲

龍輿既降兮奉禮先爰有東帛兮暨瑤琨臣謹上獻
兮進帝前仰祈聽納兮荷蒼乾

進俎八凝和之曲

馥鎭珍饌兮薦上玄庖
人列鼎兮致精虔
臣盍祗獻兮馨醴
牲願垂歆享兮民福淵

初獻 壽和之曲

禮嚴初獻兮奉觴
臣將上進兮聖皇聖皇垂享兮穆
穆臣拜手兮何以忘

亞獻 豫和之曲

禮觴再舉兮薦玉漿
帝顏歆悅兮民福昂
民生有賴兮感上蒼
臣惟鞠拜兮荷恩長

終獻 熙和之曲

三獻兮禮告成一念微衷兮露悃臣情景張樂舞兮
聲鏗鏘仰瞻聖容兮俯賜恩弘

徹饌 雍和之曲

祀禮竣兮精意禋三獻備兮誠已申敬徹弗遲兮肅
恭寅恐多弗備兮惟願洪仁

送神 清和之曲

禋事訖終兮百辟維張帝垂歆鑒兮沐德汪洋龍車
冉冉兮寶駕旋雲靈風鼓舞兮瑞露清瀼洪恩浩
兮無以爲酬粗陳菲薦兮已感歆嘗香氣騰芳兮上
徹帝座仰瞻聖造兮賜福羣方臣同率土兮載懼載

感祇迺寶輦兮鳳嘯龍翔試惶試恐兮仰戀彌切願
福生民兮永錫亨昌

望燎 時和之曲

龍車寶輦兮昇帝鄉御膳菲帛兮奉燎方環佩鏗鏘
兮羅壇燄炬焰特舉兮氣輝煌生民蒙福兮聖澤霑
臣荷眷佑兮拜謝恩光

嘉靖九年方丘樂章

迎神 中和之曲

俯瞻兮鳳輦來靈風兮拂九垓川嶽從兮後先百辟
列兮襄陪臣拜首兮迓迎願臨享兮幸哉

奠玉帛 雍和之曲

祀禮有嚴兮奉虔玉帛在笥兮來前皇靈垂享兮以
納蒸民率土兮樂豐年

進俎 咸和之曲

錯饌馨兮氣芳庖人奉從兮和湯奉進兮皇祇歆慰
臣稽首兮敬將

初獻 壽和之曲

酒行初獻兮樂舞張齊醴明潔兮馨香願垂享兮以
歆生民安兮永康

亞獻 安和之曲

載獻兮奉觴神顏和懿兮以嘗功隆厚載兮配天民
感德兮無量

終獻 時和之曲

三進兮玉露清百職奔繞兮佩環鳴鳧鐘驚鼓兮韻
錄鉤願留福兮羣生

徹饌 貞和之曲

禮告終兮徹敢違深惟一念兮誠意微神垂博容兮
聽納恐未備兮惟慈依

送神 寧和之曲

禮成兮誠已申駕旋兮法從陳靈祇列兮以隨百辟

拜兮恭寅望坤宮兮奉辭願普福兮蒸民

望燎

曲同

國初朝日樂章 洪武二十一年罷

迎神 熙和之曲

吉日良辰祀典式陳純陽之精惟是大明濯濯厥靈
昭鑒我心以候以迎來格來歆

奠幣 保和之曲

靈旗蒞止有赫其威一念潛通幽明弗違有幣在筐
物薄而微神兮安留尚其享之

初獻 安和之曲

神兮我留有薦必受享祀之初奠茲醴酒晨光初升
祥徵應候何以侑觴樂陳雅奏

亞獻 中和之曲

我祀惟何奉茲犧牲爰酌醴齊貳觴載升洋洋如在
式燕以寧庶表微衷交于神明

終獻 肅和之曲

執事有嚴品物斯祭黍稷非馨式將其意薦茲酒醴
成我常祀神其顯歆永言樂只

徹饌 凝和之曲

春祈秋報率爲我民我民之生賴于爾神維神祐之

康寧是臻祭祀云畢神其樂忻

送神 壽和之曲

三獻禮終九成樂作神人以和既燕且樂雲車風馭
靈光昭灼瞻望以思邈彼寥廓

望燎 豫和之曲

俎豆既徹禮樂已終神之云旋倏將焉從以望以燎
庶幾感通時和歲豐維神之功

嘉靖九年復定朝日樂章

迎神 熙和之曲

仰瞻兮大明位尊兮王宮時當仲春兮氣融爰遵祀

禮兮報功微誠兮祈神昭鑒願來享兮迓神聰

奠玉帛 凝和之曲

神靈壇兮肅其恭有帛在筐兮赤琮奉神兮祈享以
納子躬奠兮忻以顯

初獻 壽和之曲

玉帛方奠兮神歆酒行初獻兮舞呈齊芳馨兮犧色
騁神容悅兮鑒予情

亞獻 時和之曲

二齊升兮氣芬芳神顏怡和兮喜將予令樂舞兮具
張願垂普照兮民康

終獻 保和之曲

懃勤三獻兮告成羣職在列兮周盈神錫休兮福民
生萬世永賴兮神功明

徹饌 安和之曲

一誠盡兮予心懌五福降兮民獲禧仰九光兮誠已
申終三獻兮徹敢遲

送神 昭和之曲

祀禮既周兮樂舞揚神享以納兮還清鄉予當拜首
今奉送願恩光兮普萬方永耀熹明兮攸賴蒸民咸
仰兮恩光覩六龍兮御駕神變化兮鳳翥鸞翔東昂

銷燄分諸燎方祐我皇明兮基緒隆長
國初夕月樂章 洪武二十一年罷

迎神 凝和之曲

吉日良辰祀典式陳太陰夜明以及星辰濯濯厥靈
昭鑒我心以候以迎來格來歆

奠帛以下咸同朝日

嘉靖九年復定夕月樂章

迎神 凝和之曲

陰曰配合兮承陽宗式循古典兮齋以恭覩太陰來
格兮星辰羅從予拜首兮迓神容

初獻 壽和之曲

神其來止有嚴其誠玉帛在篚清醑方盈奉而奠之
願鑒微情夫祀兮云何祈祐兮羣氓

亞獻 豫和之曲

二觴載斟樂舞雍雍神歆且樂百職惟供願順軌兮
五行祈民福兮惟神必從

終獻 康和之曲

一誠以申三舉全觥鐘鼓鈞鈞環珮琤琤鑒予之情
願永保我生民

徹饌 安和之曲

禮樂肅具精意用申位坎居歆納茲藻饋徹之弗遲
儀典肅陳神其鑒之佑我生民

送神 保和之曲

禮備告終兮神喜旋穹碧澄輝兮素華鮮星辰從兮
還神鄉露氣清兮霓裳踴躍鎗兮束帛薦之于座
兮罔敢愆予拜首兮奉送願永貺兮民樂豐年
嘉靖十年定祈穀樂章

迎神 中和之曲

臣惟穹昊兮民物之初爲民請命兮祀禮昭諸備筵
率職兮祈洪庥臣衷微眇兮惴惴誠摠遙瞻駕降兮

霽色輝歡迎鼓舞兮
逌龍輿臣愧菲才兮
后斯民賴福斯民兮
聖恩渠

奠玉帛 肅和之曲

烝民勤職兮農事額蠶工亦愼兮
固桑阡玉帛祇奉兮
暨豆籩仰祈大化兮
錫以豐年

進俎 咸和之曲

鼎烹兮氣馨香饁兮旨醑帝垂享兮
以歆烝民蒙福兮
以寧

初獻 壽和之曲

禮嚴兮初獻行百職趨蹌兮
佩琤鳴臣謹進兮
玉觥

帝心歆鑒兮歲豐亨

亞獻 景和之曲

二觴舉兮致虔清醴載斟兮奉前仰音容兮忻穆臣
咸聖恩實惓惓

終獻 永和之曲

三獻兮一誠微裡禮告成兮帝鑒是依蒸民沐德兮
豐穰臣拜首兮竭誠祈

徹饌 凝和之曲

三獻週兮肅乃儀俎豆敬徹兮弗敢遲願留福兮丕
而曰雨曰暘兮若時

送神 清和之曲

祀禮告備兮帝鑒彰臣情上達兮感昊蒼雲程肅駕
分返帝鄉臣荷恩眷兮何以忘祥風瑞靄兮彌壇壝
祗民率土兮悉獲豐康

望燎 太和之曲

遙瞻兮天衢長邈彼寥廓兮去上方東帛薦火兮希
昇聞悃悃已通兮沛澤長樂終九奏兮神人以和臣
同率土兮感荷恩光

嘉靖十七年定大饗樂章

迎神 中和之曲

於皇穆清兮弘覆惟仁既成萬寶兮惠此蒸民祇受
厥明兮欲報無因爰稽古昔兮式展明禋肅肅廣庭
兮遙遙紫旻笙鏞始奏兮祥風導雲臣拜稽首兮中
心孔懃爰瞻寶輦兮森羅萬神庶幾昭格兮眷命其
申徘徊顧歎兮鑒我恭寅

奠玉帛 肅和之曲

捧珪幣兮瑤堂穆將愉兮聖皇秉予心兮純一荷帝
德兮溥將

進俎 凝和之曲

歲功阜兮庶類成黍稷醢兮濡鼎馨敬薦之兮暫非

輕大禮不煩兮惟一誠

初獻 壽和之曲

金風動兮玉宇澄
初獻觴兮交聖靈
瞻元造兮懷鴻
積昌以酬之心悻悻

亞獻 豫和之曲

帝眷我兮居歆紛繁會兮五音再捧觴兮殫臣心惟
帝忻懌兮生民是任

終獻 熙和之曲

綏萬邦兮屢豐年
眇眇予躬兮實荷昊天酒三獻兮
心益虔帝命參輿兮勿遽旋

徽鑑·雍和之曲

祀禮既洽兮神人肅雍
享帝享親兮勉竭臣衷
惟洪恩兮罔極儼連蜷兮聖容

送神·清和之曲

九韶既成兮金玉鏗鏘
百辟森立兮威羽斯藏
皇天在上兮昭考在旁
嚴父配天兮祇修厥常
殷薦既終兮神去無方
元雲上昇兮鸞鵠參翔
靈光回照兮郁乎芬芳
載慕載瞻兮願錫享昌
子孫黎民兮惟帝是將
於昭明德兮永懷不忘

望燎·時和之曲

龍興杳杳兮歸上方金風應律兮燎斯揚達精誠兮
合靈光帝庭納兮玉幣將顧下土兮眷不忘願賜吾
民兮長阜康

嘉靖十八年興都大饗樂章

迎神 中和之曲

仰高高之在上兮皇穹冒九圍之徧覆兮因止西東
王者出王遊行兮必奉天顧愚臣之此行兮宜荷悌
懽

初獻 壽和之曲

於昭帝麻兮臣感恩淵淵巡省舊藩之地兮實止承

天下情思報兮此心拳拳瓊卮蒼幣余捧叩壇前

亞獻 敷和之曲

樂奏兮三成觴舉兮再呈帝鑒凡微兮曰誠爾小臣
頓首兮敢不嚴于此情

終獻 永和之曲

臣來茲土本之思親思親伊何昌厥嗣人嗣人克昌
匪戴帝之臨汝夫何因

徹饌 永和之曲

肅其具兮祀禮行備彼儀兮樂舞張退省進止兮臣
踈且狂沐含仁兮何以量

送神 感和之曲

至之符兮典有禋望於維柴祀兮首重上蒼臣情因
殫兮夙夜遑遑祇伸愚悃兮允賴恩光遙瞻兮六龍
騰翔帝垂祉兮萬世永昌

嘉靖十一年定雩祀樂章 至十七年罷

迎神 中和之曲

於穆上帝爰虔瑤宮咨爾黎庶覆憫何窮旂旌戾止
委蛇雲龍霖澤斯溥萬寶有終

奠帛 肅和之曲

神之格思奠茲文縵盛樂斯舉香氣氤氳精禋孔熾

徹于紫冥懇祈膏澤渥我嘉生

進俎 咸和之曲

百川委潤名山出雲愆陽孔熾膏澤斯屯祈年於天
載牲于俎神之格思報以甘雨

初獻 壽和之曲

有嚴崇祀日吉辰良酌彼罍洗椒馨苾香元功普濟
時雨時暘惟神是聽綏以多穰

亞獻 景和之曲

皇皇禋祀孔惠孔明瞻仰來歆拜首歡承有醴維醑
有酒惟清雲韶侑獻肅雍和鳴聖靈有赫鑒享精誠

終獻 永和之曲

靈承無斁駿奔有容嘉玉以陳酌鬯以供禮三再稱
誠一以從備物致志申薦彌恭神昭景貺佑我耕農

徹饌 凝和之曲

有赫旱暵民勞瘁斯于牲于醴載舞載詩禮成三獻
敬徹不遲神之聽之雨我公私

送神 清和之曲

爰迪寅清昭事昊穹仰祈甘雨惠我三農旣歆旣格
言歸太空式霑下土萬方其同

望燎 太和之曲

赤龍旋馭禮洽樂成燔燎既舉昭格精禋維帝降康
雨施雲行登我黍稷溥受厥明

雲門之曲

祭畢令樂舞童羣歌之

景龍精兮時見測鵠緯兮宵懸肆廣樂兮鏗鉦列皇
舞兮蹕躋祈方社兮不莫薦圭璧兮孔虔需密雲兮
六漢霈甘澍兮九元慰我農兮既渥錫明昭兮有年
國初太社稷異壇同壇樂章

迎神 廣和之曲

五土之靈百穀之英國依土而寧民以食而生基圖
肇建祀禮修明神其來臨肅恭而迎

奠幣 肅和之曲

有國有人社稷爲重昭事云初玉帛虔奉維物匪親
敬實將之以斯爲禮冀達明祇

進俎 凝和之曲

崇壇北向明禋方闕有潔犧牲禮因物顯大房載設
中情以展景運既承神貺斯衍

初獻 壽和之曲

太社云 高爲山林深爲川澤崇丘廣衍亦有原隰
惟神所司百靈效職清醴在陳顯然昭格

句龍氏配云一平治水土萬世神功民安物遂造化

攸同嘉惠無窮報祀宜豐配食尊嚴國家所崇
太稷云 黍稷稻粱來牟降祥爲民之天豐年穰穰
其功甚大其恩深長乃登芳齊以享以將

后稷氏配云 皇皇后稷克配于天誕降嘉種樹藝
大田生民粒食功垂萬年建壇于京歆茲吉蠲

亞獻 豫和之曲

太社云 廣厚無偏其體弘兮德侔坤順萬物生兮
錫民地利神化行兮恭祀告虔國之禎兮

句龍配云 周覽四方偉烈昭彰九州旣乎五行有
常壇位以妥牲醴之將是嚴是崇煥然典章

太稷云 億兆林林所資者穀雨暘應時家給人足
倉庾坻京神介多福祇薦其儀昭事惟肅
后稷配云 躬勤稼穡有相之道不稂不莠實堅實
好農事開國玉基永保有年自今常奉蘋藻

終獻 豫和之曲辭同亞獻

徹豆 雍和之曲

禮展其勤樂奏其節庶品苾芬禮明是達有嚴執事
俎簋乃徹穆穆雍雍均其欣悅

送神 安和之曲

維壇潔清維主堅貞神之所歸依茲以寧土宇靖安

年穀順成紀典昭明永致昇平

聖痊時和之曲

晨光將發旣侑旣歆痊茲牲幣達于幽陰神人和悅
實獲我心永久禋祀其始于今
洪武十一年合祭大社稷樂章

迎神廣和之曲

予惟土穀兮造化功爲民立命兮當報崇民歌且舞
令朝雍雍備筵率職兮候迓迎想聖來兮祥風生欽
當稽首兮告年豐

初獻壽和之曲

氤氲氣合兮物遂蒙民之立命兮荷陰功予將玉帛
兮獻微衷初斟醴薦兮民福洪

亞獻 豫和之曲

予令樂舞兮再捧觴願神昭格兮軍民康思必穆穆
兮靈洋洋感厚恩兮拜祥光

終獻 熙和之曲

平羽飛旋兮酒三行香烟繚繞兮雲旌旛予令稽首
兮忻且惶神顏悅兮霞彩彰

徹饌 雍和之曲

粗陳微禮兮神喜將琅然綵竹兮樂舞揚願祥普降

兮遐邇方烝民率土兮盡安康

送神 安和之曲

氤氲氤氲兮祥光張龍車鳳輦兮駕飛揚遙瞻稽首
兮去何方民福留兮時雨暘

望瘞 時和之曲

捧觴饁兮詣瘞方鳴鑾率舞兮聲鏗鏘思神納兮民
福昂予今稽首兮謝恩光

嘉靖十年初立帝社稷樂章

迎神 時和之曲

東風兮地脉以融首務兮稼穡之工祀神于此兮苑

中願來格兮慰余衷

秋祭首二句云金風兮萬寶以克忻成兮稼穡之工餘同

初獻壽和之曲

神兮臨止禮薦清醇菲幣在笥初獻式遵神其鑒茲
享斯藻蘋我祀伊何和報是因神兮錫祉財阜吾民

亞獻雍和之曲

二觴再舉申此殷勤神悅兮以納祥霑兮氤氲

終獻寧和之曲

禮終兮酒三行喜茂實兮黍稷梁農事待兮豐康予

稽首兮以望

徹饌保和之曲

祀事告終三獻既周徹之罔遲惠注田疇迺以休貺
廡茲有秋

送神 廣和之曲

耕耨伊首力事豆籩粢盛賴之于此大田予將以祀
神祇少延願留嘉祉副我黎虔肅駕兮雲旋普予兮
有年 秋祭伊首二字改用告就

望燎曲同

國初分祀天神地祇樂章

迎天神 奏中和之曲

吉日良辰祀典式陳太歲尊神雷雨風雲濯濯厥靈

昭鑒我心以候以迎來格來歆

奠帛以後咸同朝日

迎地祇 奏中和之曲

吉日良辰祀典式陳惟地之祇百雲繽紛嶽鎮海濱
山川城隍內而中國外及四方濯濯厥靈昭鑒我心
以候以迎來格來歆

奠帛以後咸同朝日

洪武六年合祀天神地祇樂章

迎神 保和之曲

吉日良辰祀典式陳太歲尊神雷雨風雲嶽鎮海濱

山川城隍內而中國外及四方濯濯厥靈昭鑒我心
以候以迎來格來歆

奠帛以後歲同朝日

嘉靖九年復分祀天神地祇樂章

迎天神 保和之曲

吉日良辰祀典式陳景雲甘雨風雷之神赫赫其靈
功著生民參贊元化宣布蒼仁爰茲報祀鑒斯藻蘋

奠帛以後俱如舊

迎地祇 保和之曲

吉日良辰祀典式陳靈嶽方鎮海濱之神京畿四方

山澤羣真毓靈分隅福我生民薦斯享報鑒我恭寅
奠帛以後亦如舊

洪武四年祀周天星辰樂章

迎神 凝和之曲

星辰垂象布列元穹捧茲吉日祀禮是崇濯濯厥靈
昭鑒我心謹候以迎庶幾來歆

奠帛保和之曲詞同朝日

初獻 保和之曲

神兮既留品物斯薦奉祀之初醴酒斯奠仰惟靈輝
以享以歆何以侑觴樂奏八音

亞獻 中和之曲

神既初享亞獻再升以酌醴齊仰薦于神洋洋在上
式燕以寧庶表微衷交于神明

終獻 肅和之曲

神既再享終獻斯備不腆菲儀式將其意薦茲酒醴
成我常祀神其顧歆永言樂只

徹豆 豫和之曲

祀事將畢神既歆只徹茲俎豆以成其禮惟神樂欣
無間始終樂音再作庶達微悰

送神 雍和之曲詞同朝日

望燎 雍和之曲

神既享祀靈馭今旋燎烟既升神帛斯焚巍巍霄漢
倏焉以適拳拳余衷瞻望弗及

嘉靖八年祀太歲月將樂章

迎神

吉日良辰祀典式陳輔國佑民太歲尊神四時月將
功曹司辰濯濯厥靈昭鑒我心以候以迎來格來歆
奠帛以後俱同神祇

洪武元年定宗廟樂章

迎神 太和之曲

慶源發祥世德惟崇致我眇躬開基建切京都之內
親廟在東惟我子孫永懷祖宗氣體則同呼吸相通
來格來享皇靈顯融

奉冊寶

時享不用

維水有源維木有根先世積善福垂後昆冊寶鏤玉
德顯名尊祇奉禮文仰荅洪恩

進俎

時享不用

明明祖考妥神清廟薦以牲牷匪云盡孝願通神明
顧成治效此帝王之道亦祖考之教

初獻

壽和之曲

德祖廟初獻

思皇高祖穆然深元其遠歷年其神在天尊臨太室
餘慶綿綿歆于几筵有永其傳

懿祖廟初獻

思皇曾祖清勤純古田里韜光天篤其祐佑我曾孫
弘開土宇追遠竭虔勉遵前矩

熙祖廟初獻

惟我皇祖淑後貽謀盛德靈長與泗同流發于孫枝
明禋載修嘉澗如海恩何以酬

仁祖廟禘獻

惟我皇壽既淳且仁弗耀其身克開嗣人子有天下
尊歸予親景運維新則有其因

亞獻 豫和之曲

對越至親儼然如生其氣昭明感格在庭如見其形
如聞其聲愛而敬之發乎中情

終獻 熙和之曲

承前人之德化家爲國母曰予小子基命成績欲報
其德昊天罔極慇懃三獻我心悅懌

三獻 雍和之曲

樂奏具肅神其燕嬉告成于祖亦佑皇妣敬徹不遲

以終祀禮祥光煥揚錫以嘉祉

送神 安和之曲

顯兮幽兮神運無迹鸞馭逍遙安其所適其靈在天
其主在室子子孫孫孝思無斁

二十一年更定其初獻合奏餘並同

思皇先祖耀靈于天源衍慶流緜高逮元元孫受命

追遠其先明禋世崇億萬斯年

永樂以後改迎神章致我眇躬句爲助我祖宗又改
終獻章首四句爲惟前人之功肇膺天曆延及于小
子爰受方
國餘並同

嘉靖十五年定孟春九廟特享樂章

太祖廟

迎神 太和之曲

於皇於皇兮仰我聖祖乃武乃文攘彞正華爲天下
大君粵此隆于古越彼放勳肇造王業佑啓予小孫
功德超邁太室攸尊有稱春祀誠敬用申維神格思
萬世如存

初獻 壽和之曲

薦帛于篚潔牲于俎嘉我黍稷酌我清醑愚孫盛祀
奠獻初舉翼翼精誠對越我皇祖居然顧歆永錫純

祐

亞獻 豫和之曲

簫舞既還八音洋洋工歌喤喤醇醲載羞齊明其將
之永佑于子孫歲事其承之俾嗣續克成百世其保
之

終獻 寧和之曲

三爵既崇禮秩有終盈溢孚顒顯相肅雍惟皇祖格
哉以緝以融申錫無窮暨于臣民萬福攸同

徹饌 豫和之曲

禮畢樂成神悅人宜遵豆靜嘉敬徹不遲穆穆有容
秩秩華傳益祗以嚴矧敢敷于斯

安和之曲

於皇我祖陟降在天清廟翼翼禋祀首虔明神既留
寢祐靜淵介福綏祿錫角綿綿以惠我家邦於萬斯
年

成祖廟

迎神 太和之曲

於維文皇重光是宣克戡內難轉坤旋乾外讐百蠻
歲行八埏詒典則于子孫不忘不愆聖德神功格于
皇天作廟奕奕百世不遷祀事孔明億萬斯年

初獻亞獻終獻徹饌還宮俱與太廟同

仁宗廟

迎神 太和之曲

明明我祖盛德天成至治訐謨適駿有聲專奠致享
惟古經是程春祀有嚴以迓聖靈惟陟降在庭以賚
我思成

初獻 壽和之曲

幣牲在陳金石在懸清酒方獻百執事有虔明神洋
洋降歆自天俾我孝孫德音孔宣

亞獻 豫和之曲

中誠肅盛明神如存醞齊孔醇再舉疊尊福祿穰穰

攸介彛彛追遠報酬罔極之恩

終獻 寧和之曲

樂比聲歌脩舞婆娑稱彼玉爵酒旨且多獻享維終
神聽以和孝孫在位受福不那

徹饌 雍和之曲

牲牲在俎稷黍在簋孝享多儀格我皇祖稱歌進徹
髦士膺膺孝孫受福以敷錫于下土

還宮 安和之曲

牷享祀明物備禮成於昭在天以莫不聽神明即安
維華寢是憑肇祀迄今百世祇承

宣英憲三宗廟俱與仁廟同

孝宗廟

迎神 太和之曲

列祖垂統景運重熙於惟孝皇敬德允持用光于大
烈化被蒸黎專廟以享經禮攸宜俎豆式陳庶幾來
思

初獻 壽和之曲

粢盛孔蠲膋肥牲牷考鼓蕭蕭萬舞蹺蹺清醑初酌
對越在天明神居歆式昭厥虔

亞獻 豫和之曲

祀事孔勤精意未分樂感鳳儀禮虔駿奔醢齊挹清
戴箕瑤尊神其格思福祿來臻

終獻 寧和之曲

樂舞既成獻享維終明明對越彌篤其恭篤恭維何
明德是崇神之聽之萬福來同

徹饌 雍和之曲

牲牢醴陳我享我將黍稷蘋藻潔白馨香徹以告成
降禧穰穰神錫無疆祐我萬方

還宮 安和之曲

禮享既洽神御聿興廟寢煌煌以憑以寧維神匪遐

上下在庭于寢孔安永底我烝民之生

武宗廟

迎神

列神垂統景運重熙於惟武皇昭德勅威用剪除奸
免大業弗隳專廟以享經禮攸宜俎豆式陳庶幾來
思

初獻亞獻終獻及徹饌還宮俱與孝廟同

睿宗廟

迎神 太和之曲

於穆神皇秉德凝道仁厚積累配于穹昊流慶顯休

萃于眇躬施于無窮以似以續以光紹我皇宗惟茲
氣始俎豆是供循厥典禮式敬式崇神其至止以暨
愚衷

初獻 壽和之曲

制帛牲牢庶羞芬燎玉戚朱干協於韶簫清醑在筵
中情纏綿神之格思儀形倬然

亞獻 豫和之曲

瑤爵再陳侑以工歌籥舞踳踳八音諧和孝思肫肫
歲格聖靈致懋則存如聞其聲

終獻 寧和之曲

儀式弗踰奠爵惟三樂舞雍容以雅以南仰仁源德
澤嶽崇海淵願啓我子孫緝熙光明維兩儀是參

徹饌 雍和之曲

嘉饌甘只亦既歆只登歌迅徹敬終維始維神孔昭
賚永成于孝矣

還宮 安和之曲

幽顯莫測神之無方祀事既成神返諸帝鄉申發休
祥俾侑嗣蕃昌宜君兮宜王歷世無疆

九廟時祫樂章

孟夏

迎神 太和之曲

序屆夏首兮風氣薰禮嚴時禘兮憂擊鐘鼓迎羣主
來合享交欣於皇列聖正南面以申崇我皇勲

初獻 壽和之曲

瞻曙色方昕仰列聖在上奠金光而捧幣紋小孫執
盃兮敢不懼殷

亞獻 豫和之曲

思皇祖仰聖神來列主會太宸時禘修循古倫惟聖
鑒歆愚孫忱恂

終獻 寧和之曲

齊醴清兮麥熟新
籩豆潔兮孝念申
仰祖功兮宗德
願降佑兮後人

徹饌 雍和之曲

樂終兮禮成
告玉振兮訖金聲
徹之弗遲以肅精誠
還宮 安和之曲

三獻就兮祖宗鑒
享一誠露兮念惟長
思弗盡兮思弗忘
深荷德澤之啓佑
小孫惟賴以全光
神返宮永安保
家國益昌

孟秋

迎神

時兮孟秋火西流感時必祀兮爽氣回喜金風兮飄
來仰祖宗兮永慕哉秋禋是舉兮希鑒歆小孫躬祀
兮捧素裁

初獻

皇祖降筵列聖靈聯執事恐踰樂舞踴躍小孫捧盈
兮敢弗虔

亞獻

再酌兮玉漿潔淨兮馨香祖宗垂享兮錫脩昌萬歲
兮此禮行

終獻

進酒三觥歌舞雍
龔鐘鼓轟錚皇祖列聖永享愚誠

徹饌

秋嘗是舉稌黍豐農三獻既周聖靈顯容小孫時思
恩德兮惟懌

還宮

仰皇祖兮聖神功祀典陳兮報莫窮嘗禘告竣鸞馭
旋宮皇靈在天主在室萬禩陟降何有終

孟冬

迎神

時兮孟冬凜以淒感時茲祀兮氣漸回邇朔風兮北

來仰祖宗兮永慕哉冬祫是舉兮希鑒歎小孫恭迓
兮捧素裁

初亞終獻俱同立秋

徹饌

冬烝是舉俎豆維豐三獻既周神靈顯容小孫時思

恩德兮惟愷

還宮 同立秋惟改嘗祫爲烝祫

太祫樂章

迎神

仰慶熙兮大發祥惟世德兮深長時維歲殘大祫洪

張祖宗聖神明明皇皇遙瞻兮頓首世德兮何以忘

初獻

神之格兮慰我思慰我思兮捧玉卮捧來前兮慄慄
仰歆納兮是幸而

亞獻

再舉瑤漿樂舞羣張小孫在位陪助賢良百工罷從
大禮肅將惟我祖宗顯錫恩光

終獻

思祖功兮深長景宗德兮馨香報歲事之既成兮典
則先王惟功德之莫報兮何以量

徹饌

三酌既終三誠感通仰聖靈兮居歆萬禩是舉兮
乎酬報之秉

還宮

顯兮幽兮神運無迹神運無迹兮化無方靈返天兮
主返室願神功聖德兮啓佑無終元孫拜送兮以謝
以忻

樂穠樂章

迎神 元和之曲

於惟皇祖肇創丕基鍾祥有自曰本先之奄有萬方

作之君師追報宜隆以申孝思瞻望稽首介我休禧

初獻 壽和之曲

木有本兮水有源入本祖兮物本天思報德兮禮莫
先仰希鑒兮敢弗虔

亞獻 仁和之曲

中觴載升于此瑤觥小孫奉前願歆其誠樂舞在列
庶職在庭祖鑒孔昭錫佑攸亨

終獻 德和之曲

於維兮先祖延慶兮深高追報兮曷能三進兮香醪

徹饌 太和之曲

芬兮豆護潔兮黍粢祖垂歆享微乎敢遲禮云告備
以訖陳辭永裕後人億世丕而

送神 永和之曲

稀祀兮真張佳氣兮鬱昂皇靈錫納兮喜將一誠通
兮萬載昌祈鑒佑兮天下康仰源仁浩德兮曷以量
小孫頓首兮以望遙瞻冉冉兮聖靈皇皇

洪武七年御製祀歷代帝王樂章

迎神 雍和之曲

仰瞻兮聖容想鑒輿兮景從降雲衢兮後先來俯鑒
兮微衷荷聖靈兮蒼生有崇瞻諸帝兮是臨予頓首

兮幸蒙

奠帛

保和之曲

秉微誠兮動聖躬來列坐兮殿庭予今願兮効勤奉
禮帛兮列酒尊鑒予情兮忻享方旋駕兮雲程

初獻

保和之曲

酒行兮爵盈喜氣兮雍雍重荷蒙兮載瞻載崇羣臣
忻兮躍從願覩穆穆兮聖容

亞獻

中和之曲

酒斟兮禮明諸帝熙和兮悅情百職奔走兮滿庭陳
遵豆兮數重亞獻兮願成

終獻 肅和之曲

獻酒兮至終早整雲鑾兮將旋宮予心眷戀兮神聖
欲攀留兮無從躡雲衢兮緩行得遙瞻兮達九重

徹饌 凝和之曲

納錯饌兮領陳烝民樂兮幸生將何以兮崇報惟歲
時兮載瞻載迎

送神 壽和之曲

旛旛繚繞兮導來踪鑾輿冉冉兮歸天宮五雲擁兮
祥風從民歌聖祐兮樂年豐

望燎 豫和之曲

神機不測兮造化工珍羞禮帛兮薦火中聖庭燎兮
稽首願神鑒兮寸衷

洪武六年定祀先師孔子樂章

迎神 咸和之曲

大哉先聖道德尊崇維持王化斯民是宗典祀有常
精純益隆神其來格於昭聖容

奠帛 寧和之曲

自生民來誰底其盛惟王神明度越前聖樂帛具成
禮容斯稱黍稷非馨維神之聽

惟王字今改曰惟師

初獻 安和之曲

大哉聖師實天生德作樂以崇時祀無歎清酤維馨
嘉牲孔碩薦羞神明庶幾昭格

亞終獻 景和之曲

百王宗師生民物軌瞻之洋洋神其寧止酌彼金盃
惟清且旨登獻惟三於嘻成禮

徹饌 咸和之曲

犧象在前豆籩在列以享以薦旣芬旣潔禮成樂備
人和神悅祭則受福率遵無越

送神 咸和之曲

有嚴學宮四方來崇恪恭祀事威儀雝雝歆茲惟馨

神馭旋復明禋斯畢咸膺百福

國初定享先農樂章 永樂以後咸同

迎神 永和之曲

東風啓蟄地脉奮然蒼龍掛角華華天田民命惟食
創物有先圓鐘既奏有降斯筵

奠帛 永和之曲

帝出乎震天發農祥神降于筵藹藹洋洋禮神有帛
其色惟蒼豈伊具物誠敬之將

進俎 雍和之曲

制帛既陳禮嚴奉牲載之于俎祀事孔明簠簋攸列

黍稷惟馨民力普存先嗇之靈

初獻 壽和之曲

九穀未分庶草攸同表爲嘉種實在先農黍稷斯豐
酒醴是供獻奠之初以祈感通

亞獻 奏同

倬彼甫田其隰其原来耜云載駉御之間報本思享
亞獻惟虔神其歆之自古有年

終獻 奏同

帝藉之典享祀是資潔豐嘉栗咸仰于斯時惟親耕
享我農師禮成于三以訖陳詞

徹饌 永和之曲

於赫先農歆此潔修于筐于爵于饌于羞禮成告徹
神惠敢留餼及終畝豐年是求

送神 永和之曲

神無不在於昭于天曰迎曰送于享之筵冠裳在列
金石在懸徃無不之其佩翩翩

望瘞 太和之曲

祝帛牲醴先農既歆不留不棄瘞之厚深有幽其瘞
有赫其臨曰禮之常匪今斯今

嘉靖九年定享先蠶樂章

迎神 貞和之曲

於穆惟神肇啓蠶桑衣我萬民保我家邦茲舉曠儀
春日載陽恭迎霞馭靈氣洋洋

奠帛 壽和之曲

神其臨只有苾有芬乃獻玉齋乃奠文纁仰祈昭鑒
淑氣氤氲顧茲蠶婦和和如雲

初獻 曲同奠帛

亞獻 順和之曲

載舉清觴蠶祀孔明以格以享鼓瑟吹笙陰教用彰
坤儀允貞神之聽之鑒此裡誠

終獻 寧和之曲

神之格思桑土是宜三纁七就惟此繭綵獻禮有終
神不我遺錫我純服藻繪皇儀

徹饌 安和之曲

俎豆具徹式禮莫愆既匡既勅我祀孔虔我思古人
葛覃惟賢明靈歆只永顧桑阡

送神 恒和之曲

神之升矣日霽霞蒸相此女紅杼軸其典茲還元宮
鸞鳳翔騰瞻望弗及永錫嘉禎

望燎 曲同送神